

وفی ۱۹ تموز سنه ۱۳۲۶

فی ۲۵ رجب سنه ۱۳۲۸

پازار ایرتسی

جمعیت علمیة اسلامیه نك ناشر افکاریدر

مدیر مسئول :
مکتب قضاة معالمردن
کلیسی منیر

سر محرر :
فاتح مجیز درسعالمردن
نوقاد مبعوثی
مصطفی صبری

صاحب امتیاز :
فاتح مجیز درسعالمردن
استانبول مبعوثی
مصطفی عاصم

مندرجات

تاریخ اسلام صحافندن طاهر المولوی	مسافر فاضله نطق
اسلامده علوم وفنون ع . عاطف	ادبیات
وعظلمزدن	ماتمزده بر والده ع . عاطف
مسلمانلرده عائله حیاتی احمد شوقی	عشقنامه طاهر المولوی
	شکوفه بهارستان طاهر المولوی



نسخه سی ۱ غروشدرد

آبونه اجرتی (پوسته اجرتیه برابر در)

مالک اجنیه ایچون :
۲۰ ، ۶۰ فرانق
» ۱۰ ، ۳۰

استانبول وولایات ایچون :
بر سنه لکی ۶۰ غروش
التی آیلنی ۳۰ »

درج اولنیمان اوراق اعاده ایدلمز

قارئلمزده

اکثر مقالاته آیات کریمه واحادیث نبویه درج ایدلمش بولندینی نظر اعتبارده آلهرق رعایتسز لکده بولنمامسی رجا اولدور .

در سعادت

محمود بك مطبعه سنده طبع اولنمشدر

قدر جزئی الفاظ ایله افاده ایملرلردی . ایشته بو طرزده یازلمش تحریرانده اک بلیغ خطبه لر قدر حسن تأثیر مشاهده ایدیلردی ، کویا ظهور اسلامدن سوکره بلغای کتاب ، خطبا مقامنه قائم اولمشدی .

تاریخ کتابلرنده بونک بک بارلاق نمونه لرینه تصادف اولنور ، از جمله عمر بن عبدالعزیزک اشتکا اولنان بر والیه : شکایت خوانک آرتدی ، ثنا کویان آزالدی ، یاعدات ، یاعزالت اوتسدر ! مألئسه اولهرقی یازدیغی شو : « کثر شا کوك و قل شا کوك اما اعتدلت و اما اعتزلت والسلام . » سوزی او بولده ویریان امرلردن معدوددر .

محررات و مکاتبانده بواصول ایجاز - فتوحات نتیجه سی اولهرق - اهل اسلامک عرب اولمایان اقوام ایله اختلاط ایتدکاری زمانه قدر دوام ایتمشدر ، بوندن سوکره هجرت سنیه نك قرن ثانیسی اوائلنده عجملردن تطویل اصولی اقتباس ایدلمش و بواصولبک ایلك سالکی یوز اوتوز ایکی سال هجریسنده وفات ایدن کاتب مشهور عبدالحمید اولمشدر ، مشاهیر بلغا و امرادن یحیی بن خالد برمکی ، فضل بن ربیع ، صاحب بن عباد . بن عمید ، عمادالدین کبی ذوات اونی تقلید ایلشلردر .

مؤلفاته کلنجه : بونلردن ادبی موضوعلره عائد اولانلری بلاغت طبعیه محتاج ایدی اونک ایچون اکثر مؤلفین ، عربک شعر و خطبه لرینی تدقیق ایدهرک طوطد . قلمری اسالیب افاده یی اوکره نیر و حاصل ایتدکاری ملکه ادبیه ایله او طرز اوزره اثرلر یازارلردی ، مع ذلك اوللری کندی طرفلرندن چوق برشی علاوه ایتبوب عربک اقوالنی پارچه ، پارچه آلیر ، (حدشنا فلان) یاخود (اخبرنا فلان) و یاخود (خطب فلان) دیمکله اکتفا ایدرلردی ، هجرتک قرن ثانی اواسطنه مصادف اولان مبرد ، جاحظ ، ابن قتیبه و سائر نك آناری هپ بویولده یازلمشدر .

احتیاجک یوق سنک آینه اسکندر
جوهر دانکده روشن هر مثاک صورتی
نورس

بوکله یی فنی نك :

سکندر سیرایسه کده سد نطق ایت پیش کاملده
فلاطون حقیقت بینه نقل ماجرا اولساز
بیتمده اولدیغی کبی همزه نك خذفی وسینک کسریه
تلفظ ایتک شیوه حاضر عثمانیه موافق دکلدر .
مابعدی وار
ظاهر المروری

اسلامده علوم و فنون

مابعد

اهل اسلامک طرزانشاده کوستردیکی قدرت بلاغت قرآنک تأثیراتی اثری ایدی ؛ چونکه او کتاب الهی ، فصاحت و بلاغتک بر مثال ملکوتیسی کوستریوردی ؛ بوجهته مسلمین ، کرک خطبه لرنده ، کرک انشالرنده او فرقان حکیمک اسلوب سوا یسنه اتباع ایدرلردی قرآن کریم قسم کایسنک حافظه سنده یرلشمش اولد . یغندن اولملکه بلاغت - قصد ایتسه لر بیله - اسلوب قرآنه اقتفاء کندی کندیسه حصوله کایردی ؛ بونک ایچون اسلامک ظهوریه لسان عرب ، فصاحت و بلاغت نقطه سندن بر طرز جدید اکتساب ایتمشدی ولو صورت متفاوتده اولسون کتابت و خطا بجه لسانده بریکیلک منجلی ایدی .

دولت اسلامیه ده محررات ، اوللری تهدید و نصیحت ، امر و یا استرحام کبی مقاصدی افاده ایتک ایچون طرز بیسانک تخالفیه برابر طبق خطابت طرزنده ایدی ، جوامع الکلمه انجذابلرندن طولایی اختصار و ایجازده صوک درجه اهتمام ایدر ، بر چوق معانی یی اقل قلیل دینیه جک

بنی باطلدن حق مائل اولان و مساحه و تیسری وعدم
عسری مشتمل اولان برملته پیغمبر کوندردی بنی عبادت
ایچون انقطاع ایتیش واکا بالکلیه انهماک ایدرک نفوس
بشریه حرجی موجب اولان رهبانیت کوندرمدی
بیوریورلر .

اهل ورع وتقوی دیمک ناس ایله اختلاط ایدوب
کسب ایله یعنی زراعت و تجارت و صنعتله مشغول اولان
واوامر السیهیه اطاعت و نواهدن و صفات مذمومه دن
اجتناب ایدن و اخلاق حمیده اصحابندن بولنان و بقدر -
الامکان اکتساب علم و فضیلت ایتیش اولان کسه لر در .
حضرت پیغمبر (فقیه واحد اشد علی الشیطان من الف
عابد) بیورمشدر .

علم و فضیلت اکتساب ایتیمان و احکام شرعیه حالته
واقف اولمیان برکسه ایتیش اولدینی عبادتده مخاطره
معروض قالدور چونکه ثواب ظنیه کناه ایشله مک تهله کله
وارددر . انکیچون هر کس علم حانی اوکرتمک لازمدر .
مثلا یومیه اجرتله چالیشان بر عمله انجق فرائض و سنن
مؤکدهنی ادا ایده بیلور . یوقسه جامعه کیدوب نمازی
قلدقدنصکره مستأجردن اذنسز یارم ساعتده تلاوت قرآن
وذ کر ایله مشغول اوله من . اولورسه اکا مقابل اله جفی
اجرت غیر مشروع اولدیفندن کنه کار اولور کذلک برکسه
ازدواج ایچون مقتضی ایتیهنی و یا متاهل ایه اولاد و عیالک
نفقه سنی تدارکدن و از کچوبده عبادتله مشغول اولمسی
وظیفه دن قاجق اعتباریله جائز اولماز .

هر صنف اهالی کندیته مخصوص اولان وظیفه
احکام شرعیه دائره سنده ایفا وهر برفعانی و قوانی شرع
شریفه تطبیق ایتیمکله متقی اولور . هر صنف اهالینک نه
صورته متقی اوله جفنی برر برر بیان ایده لم . اولامیر المؤمنین
اولان ذات اوامر السیهیه امتثال و نواهدن اجتناب
ایتملی و امیر المؤمنین اولمق حسیله عدالت و مساواته صوک
درجه ده رعایت ایتلیدر .

بزم شریعتمزده پادشاهلر ایچون آبروجه برامتیاز

مدنیت اسلامیه حد کماله کلوبده ادبا و شعراء
چوغالجه هر کسده شعر و ادب مراقی او یا تمش ، قافیه
مفتونیتله نثر آیزلمش آئارده سراسر مسجع دنیه جک بر
حاله کلشدر ، بویولده دخی بر جوق مقساملر یازلمش ،
بونلرک پیشواسی ده اوچوز طقسان سکیز تاریخ هجر یسنده
وفات ایدن بدیع الزمان همدانی اولمشدر صاحب مقامات
حریری بونی تقلید ایتیش ایهده غرائب الفاظ و کثرت
تسجیعات ایله اثرینی معمی حالته کتیرمشدر .

بوسجع مسلسل اصولی کتب توارینجه انتقال ایده رک
(قلاند العیقان) و سائر کبی بر جوق آثار بویولده
یازلمشدر ، برکت و یرسین که ابن خلدون و ابن اثیر ،
مسعودی و سائر ، او طرزنی تعقیب ایتمه مشلدر .

قونیه لی :

ع . عاطف

وعظلمزدن

ما بعد

بسم الله الرحمن الرحيم

قال الله تعالى في الكتاب المبين

(یا ایها الناس انا خلقناکم من ذکر و انثی و جعلناکم
شعوبا و قبائل لتعارفوا ان اکرکم عند الله اتقاکم ان الله
علیم خبیر) کچسکی درسمزده آیت کریمه نک تفسیری
واکا معلق بعض احادیث شریفه ذکر و بیان اولمش ایدی
بوکونکی درسمزده ده تقوی نه دیمکدر و بر انسان نه
یولده حرکت ایدرسه متقی اولور ؟ بونی بیان ایده جکزه .
اهل ورع و تقوی دیمک ظن اولمشونکه ناسدن احتراز
ایدوب منزوی بر صورته لیل و نهار عبادتله مشغول
اولان و ازدواجدن محروم قالان کسه لر در بوکا رهبانیت
دیرلر که بزم شریعتمز بونی منع ایتمشدر . (قال
علیه السلام بعثت بالحنيفية السمحة) پیغمبر من جناب حق